

**Հ Ա Յ Տ Ա Ր Ա Ր ՈՒ Թ Յ ՈՒ Ն**

**ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆԻ**

**ԱՌԿԱ ՌԻՍՈՒՑՄԱՄԲ ՄԱԳԻՍՏՐՈՍԻ ԿՐԹԱԿԱՆ ԾՐԱԳՐՈՎ 2023/2024 ՌԻՍՈՒՄՆԱԿԱՆ ՏԱՐՎԱ ԸՆԴՈՒՆԵԼՈՒԹՅԱՆ**

Հայաստանի պետական տնտեսագիտական համալսարանը հայտարարում է պետության կողմից ուսման վարձի լրիվ փոխհատուցմամբ /անվճար/ և բուհի կողմից ուսման վարձի մասնակի զեղչի կիրառմամբ /վճարովի/ առկա ուսուցմամբ մագիստրոսի կրթական ծրագրով 2023/2024 ուսումնական տարվա ընդունելություն հետևյալ մասնագիտությունների կրթական ծրագրերի գծով.

Դասիչը, մասնագիտությունը	Դասիչը, կրթական ծրագիրը	Անվճար տեղերի քանակը	Վճարովի տեղերի քանակը	Ուսման վարձի չափը (դրամ)	Ուսման տևողությունը	Շեմային քննությունը
1	2	3	4	5	6	7
<b>031101.00.7, Տնտեսագիտություն</b>		<b>19</b>	<b>71</b>			
031101.00.7, Տնտեսագիտություն	031102.02.7, Տնտեսագիտության տեսություն	5	10	700000	1,5 տարի (երեկոյան)	Տնտեսագիտության տեսություն
031101.00.7, Տնտեսագիտություն	031101. 04. 7, Միջազգային տնտեսական հարաբերություններ	5	15	700000	1,5 տարի (երեկոյան)	Միջազգային տնտեսական հարաբերություններ
031101.00.7, Տնտեսագիտություն	031101. 06. 7, Բնօգտագործման տնտեսագիտություն	2	8	520000	2 տարի (ցերեկային)	Բնօգտագործման տնտեսագիտություն
031101.00.7, Տնտեսագիտություն	031101. 16. 7, Մակրոտնտեսական վերլուծություն	5	15	700000	1,5 տարի (երեկոյան)	Մակրոտնտեսական կարգավորում
031101.00.7, Տնտեսագիտություն	031101.21.7,Նորարարությունների տնտեսագիտություն	2	23	700000	1,5 տարի (երեկոյան)	Նորարարությունների տնտեսագիտություն
<b>041101.00.7, Հաշվապահական հաշվառում և հարկում</b>		<b>15</b>	<b>35</b>			

041101.00.7, Հաշվապահական հաշվառում և հարկում	041101.01.7, Հաշվապահական հաշվառում (ըստ ճյուղերի)	5	20	700000	1,5 տարի (երեկոյան)	Հաշվապահական հաշվառում
041101.00.7, Հաշվապահական հաշվառում և հարկում	041101.03.7, Աուդիտ	10	15	700000	1,5 տարի (երեկոյան)	Աուդիտ
<b>041201.00.7, Ֆինանսներ</b>		<b>20</b>	<b>135</b>			
041201.00.7, Ֆինանսներ	041201.02.7, Ապահովագրական գործ	0	20	700000	1,5 տարի (երեկոյան)	Ֆինանսներ
041201.00.7, Ֆինանսներ	041201.03.7, Հանրային ֆինանսներ	0	15	700000	1,5 տարի (երեկոյան)	Ֆինանսներ
041201.00.7, Ֆինանսներ	041201.04.7, Կորպորատիվ ֆինանսներ	6	9	700000	1,5 տարի (երեկոյան)	Ֆինանսներ
041201.00.7, Ֆինանսներ	041201.05.7, Արժեթղթերի շուկայի վերլուծություն և կառավարում	6	9	700000	1,5 տարի (երեկոյան)	Արժեթղթերի շուկայի վերլուծություն և կառավարում
041201.00.7, Ֆինանսներ	041201.06.7, Բանկային գործունեության կազմակերպում	6	54	700000	1,5 տարի (երեկոյան)	Բանկային գործ
041201.00.7, Ֆինանսներ	041201.08.7, Մաքսային վարչարարություն	2	28	700000	1,5 տարի (երեկոյան)	Միջազգային տնտեսական հարաբերություններ
<b>041301.00.7, Կառավարում</b>		<b>17</b>	<b>233</b>			
041301.00.7, Կառավարում	041301.04.7, Գործարար վարչարարություն (կառավարում)	7	63	700000	1,5 տարի (երեկոյան)	Մենեջմենթ
041301.00.7, Կառավարում	041301.13.7, Նախագծերի կառավարում	0	15	620000	2 տարի (ցերեկային)	Մենեջմենթ
041301.00.7, Կառավարում	041301.17.7, Հանրային կառավարում	4	26	700000	1,5 տարի (երեկոյան)	Մենեջմենթ

041301.00.7, Կառավարում	041301.27.7, Մարդկային ռեսուրսների կառավարում	4	16	700000	1,5 տարի (երեկոյան)	Մենեջմենթ
041301.00.7, Կառավարում	041301.28.7, Բուժհաստատությունների կառավարում	0	25	1100000	1 տարի (երեկոյան)	Մենեջմենթ
041301.00.7, Կառավարում	041301.31.7, Առողջապահության կառավարում և վարչարարություն	0	25	1100000	1 տարի (երեկոյան)	Մենեջմենթ
041301.00.7, Կառավարում	041301.32.7, Տեղեկատվական տեխնոլոգիաները բիզնեսում	2	48	700000	1,5 տարի (երեկոյան)	Կառավարման տեղեկատվական համակարգեր
041301.00.7, Կառավարում	041301.15.7, Կառավարման տեղեկատվական համակարգեր*	0	15	700000	2 տարի (ցերեկային)	Կառավարման տեղեկատվական համակարգեր
<b>041401.00.7, Շուկայագիտություն (մարքեթինգ)</b>		<b>10</b>	<b>70</b>			
041401.00.7, Շուկայագիտություն (մարքեթինգ)	041401.04.7, Մարքեթինգային հաղորդակցություններ	8	42	620000	2 տարի (ցերեկային)	Մարքեթինգ
041401.00.7, Շուկայագիտություն (մարքեթինգ)	041401.07.7, Հանրային ծառայությունների բիզնեսի կազմակերպում և կառավարում	2	28	700000	1,5 տարի (երեկոյան)	Ձեռնարկությունների տնտեսագիտություն և կառավարում
<b>056201.00.7 Վիճակագրություն</b>		<b>4</b>	<b>21</b>			
056201.00.7 Վիճակագրություն	<b>056201. 04. 7</b> Կիրառական վիճակագրություն և տվյալների գիտություն	4	21	700000	1,5 տարի (երեկոյան)	Վիճակագրություն
<b>ԸՆԴԱՄԵՆԸ</b>		<b>85</b>	<b>565</b>			

**ՀՊՏՀ Գյումրու մասնաճյուղ**

Դասիչը, մասնագիտությունը	Դասիչը, կրթական ծրագիրը	Անվճար տեղերի քանակը	Վճարովի տեղերի քանակը	Ուսման վարձի չափը (դրամ)	Ուսման տևողությունը	Շեմային քննությունը
1	2	3	4	5	6	7
<b>041201.00.7, Ֆինանսներ</b>		<b>6</b>	<b>14</b>			
041201.00.7, Ֆինանսներ	041201.06.7, Բանկային գործունեության կազմակերպում	4	6	550000	1,5 տարի	Բանկային գործ
041201.00.7, Ֆինանսներ	041201.08.7, Մաքսային վարչարարություն	2	8	550000	1,5 տարի	Միջազգային տնտեսական հարաբերություններ
<b>041301.00.7, Կառավարում</b>		<b>1</b>	<b>19</b>			
041301.00.7, Կառավարում	041301.04.7, Գործարար վարչարարություն (կառավարում)	1	19	550000	1,5 տարի	Մենեջմենթ
<b>ԸՆԴԱՄԵՆԸ</b>		<b>7</b>	<b>33</b>			

Առկա մագիստրատուրայի ընդունելությունը կատարվում է հետևյալ կերպ.

**Պետության կողմից ուսման վարձի լրիվ փոխհատուցմամբ (անվճար)** ընդունելությունն իրականացվում է ըստ դիպլոմի հավելվածում գրանցված ուսումնառության բոլոր կիսամյակների հանրագումարային միջին որակական գնահատականի՝ ըստ սահմանված առաջնահերթությունների:

ա) ՀՊՏՀ (այդ թվում՝ մասնաճյուղերի) առկա և հեռակա բակալավրիատի 2022/2023 ուսումնական տարվա համապատասխան որակավորում ունեցող շրջանավարտներ,

բ) ՀՊՏՀ (այդ թվում՝ մասնաճյուղերի) առկա և հեռակա բակալավրիատի 2022/2023 ուսումնական տարվա այլ որակավորում ունեցող շրջանավարտներ,

գ) ՀՊՏՀ (այդ թվում՝ մասնաճյուղերի) առկա և հեռակա բակալավրիատի նախորդ ուսումնական տարիների շրջանավարտներ՝ անկախ որակավորումից,

դ) Այլ բուհերի առկա և հեռակա բակալավրիատի համապատասխան որակավորում ունեցող շրջանավարտներ:

1.1 կետի բ), գ), դ) ենթակետերին բավարարող դիմորդները պետության կողմից ուսման վարձի լրիվ փոխհատուցմամբ (անվճար) մրցույթին մասնակցելու համար պետք է հանձնեն շեմային քննություն՝ ըստ հավելվածի: Մրցույթն իրականացվում է ըստ դիմորդների ՄՈԳ-երի՝ հարյուրերորդականի ճշտությամբ:

Դիմորդների հավասար ՄՈԳ-ի պարագայում առաջնահերթության կարգով հաշվի են առնվում հետևյալ լրացուցիչ չափանիշները՝

- գերազանցության դիպլոմի առկայությունը.
- ավարտական աշխատանքի պաշտպանությունից ստացած միավորը.
- մասնագիտական և մասնագիտացման առարկաներից ստացած միավորների գումարը:

2. **Առկա ուսուցման մագիստրատուրայի բուհի կողմից ուսման վարձի մասնակի զեղչի կիրառմամբ (վճարովի) համակարգ** կարող են դիմել ՀՊՏՀ և այլ պետական ու ըստ մասնագիտությունների հավատարմագրված ոչ պետական բուհերի առկա և հեռակա ուսուցման ընթացիկ և նախորդ տարիների բակալավրի, դիպլոմավորված մասնագետի կամ մագիստրոսի որակավորում ունեցող շրջանավարտները:

Սահմանված տեղերի շրջանակներում, առանց շեմային քննության, ընդունելության մրցույթին կարող են մասնակցել համապատասխան որակավորման աստիճան ունեցող ՀՊՏՀ շրջանավարտները: ՀՊՏՀ համապատասխան որակավորման աստիճան չունեցող դիմորդները ընդունելության մրցույթին մասնակցելու համար պետք է հանձնեն կրթական ծրագրերին համապատասխան շեմային քննություն:

Այլ բուհերի դիմորդները ընդունելության մրցույթին մասնակցելու համար կրթական ծրագրերին համապատասխան պետք է հանձնեն շեմային քննություն՝ անկախ որակավորումից:

Դիմորդն իր հայտագրած կրթական ծրագրի (ծրագրերի) համար շեմային քննություն է հանձնում ըստ հավելվածի:

Ըստ ՄՈԳ-երի՝ ընդունելության մրցույթին սահմանված տեղերի շրջանակներում մասնակցում են համապատասխան որակավորման աստիճան ունեցող ՀՊՏՀ շրջանավարտները, ինչպես նաև շեմային քննությունից դրական գնահատական ստացած ՀՊՏՀ համապատասխան որակավորման աստիճան չունեցող շրջանավարտները և այլ բուհերի շրջանավարտները:

Դիմում-հայտում դիմորդը կարող է հայտագրել 2 (երկու) մագիստրոսական կրթական ծրագիր՝ ըստ հայտում նշված առաջին կրթական ծրագրի գերակայության: Հայտում նշված առաջին կրթական ծրագրի չբացվելու կամ մրցույթից դուրս մնալու դեպքում դիմորդը մասնակցում է երկրորդ ծրագրի մրցույթին: Ծրագիրը չի բացվում, եթե ուսանողների թիվը չի համապատասխանում ՀՊՏՀ գիտական խորհրդի 2019 թվականի հունիսի 18-ի N 2 որոշմամբ սահմանված պահանջին: Եթե դիմորդի հայտագրած ծրագրերից ոչ մեկը չի բացվում, ապա ընդունող հանձնաժողովը նրան առաջարկում է որևէ այլ կրթական ծրագիր, որտեղ առկա են թափուր տեղեր՝ տվյալ կրթական ծրագրի մուտքային պահանջները բավարարելու կամ շեմային քննությունը հանձնելու պայմանով:

### 3. Դիմորդները ներկայացնում են հետևյալ փաստաթղթերը՝

- 1) մագիստրատուրայի ընդունելության դիմում-հայտ (լրացվում է առցանց), որը հաստատվում է ընդունող հանձնաժողով կողմից կից փաստաթղթերը ներկայացնելուց հետո,
- 2) բարձրագույն կրթության դիպլոմի և դրա հավելվածի բնագրերն ու պատճենները կամ ակադեմիական տեղեկանքը (տվյալ տարվա այն շրջանավարտների դեպքում, ովքեր դեռ չեն ստացել ավարտական փաստաթուղթը),
- 3) անձնագրի լուսապատճենը,
- 4) 3 x 4 սմ չափի թվային լուսանկար,

5) զինվորական գրքույկի (առկայության դեպքում) կամ կցագրման վկայականի լուսապատճենը,

6) դիմորդի առանձնահատուկ կարգավիճակը (արտոնությունը) հավաստող փաստաթղթի լուսապատճենը:

ՀՀ օրենսդրությամբ սահմանված արտոնություններից օգտվող դիմորդները ներկայացնում են համապատասխան փաստաթղթեր (1-ին կամ 2-րդ խմբի հաշմանդամության, ՀՀ պաշտպանության ժամանակ զոհված (մահացած) զինծառայողի երեխա լինելու, ժամկետային զինվորական ծառայության պարտականությունները կատարելիս հաշմանդամ դառնալու, առանց ծնողական խնամքի մնացած՝ մինչև 23 տարեկան երեխա լինելու մասին):

**Փաստաթղթերի բնօրինակները և պատճենները 1-օրյա ժամկետում դիմորդը ներկայացնում է ընդունող հանձնաժողով:**

Դիմորդների փաստաթղթերը ընդունվում են ՀՊՏՀ-ում՝ Երևան, Նալբանդյան 128 հասցեով, իսկ Գյումրիում մասնաճյուղում՝ Շիրակի մարզ, ք. Գյումրի, Վ. Սարգսյան 32 հասցեներով:

4. Պետության կողմից ուսանողական նպաստների ձևով ուսման վարձի լրիվ փոխհատուցմամբ (անվճար) տեղերի համար դիմորդների փաստաթղթերն ընդունվում են 2023 թվականի հունիսի 5-ից 20-ը ներառյալ:

5. Բուհի կողմից ուսման վարձի մասնակի զեղչի կիրառմամբ (վճարովի) տեղերի համար դիմորդների փաստաթղթերն ընդունվում են առաջին, 2 (երկու) փուլով.

✓ առաջին փուլ՝ 2023 թվականի հունիսի 5-ից 20-ը ներառյալ,

✓ երկրորդ փուլ՝ 2023 թվականի օգոստոսի 15-ից օգոստոսի 30-ը ներառյալ:

6. Առաջին փուլի դիմորդները շեմային քննությունը հանձնում են 2023 թվականի հունիսի 22-ին, ժամը 12:00-ին, երկրորդ փուլի դիմորդները՝ 2023 թվականի օգոստոսի 31-ին, ժամը 12:00-ին: Դիմորդները շեմային քննությունը հանձնում են բանավոր:

Ընդունելության առաջին փուլի արդյունքները հրապարակվում են մինչև 2023 թվականի հունիսի 23-ը, իսկ երկրորդ փուլինը՝ մինչև 2023 թվականի սեպտեմբերի 1-ը:

7. Առկա ուսուցմամբ վճարովի մագիստրատուրա ընդունված դիմորդների վերջնական հրամանագրումը կատարվում է առաջին կիսամյակի ուսման վարձի վճարման թույլտվություն ստանալուց հետո առաջին կիսամյակի նվազագույնը առաջին ամսվա ուսման վարձը վճարելու և վճարման կտրոնը ընդունող հանձնաժողով ներկայացնելու դեպքում՝ 3 աշխատանքային օրվա

ընթացքում՝ եթե առաջին փուլի դիմորդը վճարումը կատարել է մինչև սույն թվականի հունիսի 30-ը, երկրորդ փուլի դիմորդը վճարումը կատարել է մինչև սույն թվականի սեպտեմբերի 10-ը:

8. «041301.15.7, Կառավարման տեղեկատվական համակարգեր» մագիստրոսական կրթական ծրագիրն իրականացվում է Գերմանիայի Ցվիկաոյի համալսարանի հետ համատեղ, որը ընդունելության պայմանները և ժամկետները սահմանված են համագործակցության պայմանագիրով: